



JP ELEKTROPRIVREDA BiH

d.d. - Sarajevo

Sarajevo, 11.08.2025. godine
Broj: NO-29088/25-73.V. /1

SKUPŠTINA DRUŠTVA

Predmet: Obrazloženje prijedloga Odluke o izboru i imenovanju člana Nadzornog odbora ispred državnog kapitala

Osamdeset i sedma (vanredna) Skupština JP Elektroprivreda BiH d.d. – Sarajevo, održana 14.05.2025. godine je donijela Odluku o izboru i imenovanju člana Nadzornog odbora, ispred državnog kapitala. Za v.d. člana Nadzornog odbora je imenovan Zlatko Terzić, na period počev od 15.05.2025. godine do okončanja konkursne procedure, a najduže na vremenski period do najviše tri mjeseca.

Zaključno sa 15.08.2025. godine ističe period na koji je izvršeno imenovanje člana Nadzornog odbora ispred državnog kapitala. Kako do sjednice Nadzornog odbora, dioničar Federacija BiH nije dostavio prijedlog kandidata za člana Nadzornog odbora ispred državnog kapitala, Nadzorni odbor Društva je na 72. sjednici, održanoj 31.07.2025. godine utvrdio prijedlog Odluke o izboru i imenovanju člana Nadzornog odbora JP Elektroprivreda BiH d.d. – Sarajevo ispred državnog kapitala, bez imena kandidata i perioda na koji će se izvršiti imenovanje.

Obavještenje o sazivanju Osamdeset i devete (vanredne) Skupštine Društva je objavljeno, dana 01.08.2025. godine, u dnevnim novinama „Dnevni avaz“ i na web stranici Društva. Obavještenjem o sazivanju Osamdeset i devete (vanredne) Skupštine Društva, pozvan je ovlašteni dioničar - Federacija Bosne i Hercegovine da, u zakonskom roku od osam dana od dana objave Obavještenja, dostavi prijedlog kandidata za člana Nadzornog odbora. Prijedlog kandidata za člana Nadzornog odbora mora sadržavati potrebne informacije i dokumentaciju koja se odnosi na ispunjavanje uslova za članstvo u Nadzornom odboru. Kandidat za člana Nadzornog odbora mora prije glasanja dati pisanu izjavu o prihvatanju kandidature.

Vlada Federacije BiH je na 232. hitnoj sjednici, održanoj 07.08.2025. godine donijela Odluku o davanju prethodne saglasnosti Skupštini privrednog društva JP Elektroprivreda BiH d.d. – Sarajevo za razrješenje vršioca dužnosti člana Nadzornog odbora privrednog društva JP Elektroprivreda BiH d.d. – Sarajevo ispred državnog kapitala V.broj:1309/2025 i Odluku o davanju prethodne saglasnosti za imenovanje člana Nadzornog odbora Privrednog društva JP Elektroprivreda BiH d.d. – Sarajevo ispred državnog kapitala V. broj: 1310/2025 i dana 08.08.2025. godine dostavila Prijedlog kandidata ovlaštenog dioničara Vlade Federacije BiH za člana Nadzornog odbora ispred državnog kapitala, broj:03-02-867-2/2025 od 08.08.2025. godine.



44 100 22430072
44 764 22430072
44 126 22430072

Vilsonovo šetalšte 15, 71000 Sarajevo, BiH

Reg. broj: UF/1-392/04 Kantonalni sud Sarajevo
Porezni broj: 4200225150005, PDV broj: 200225150005
1549212003366506 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
102050000090111 - Union Banka d.d. Sarajevo
1346101000178654 - ASA Banka d.d. Sarajevo
1990490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Termoelektrana broj 1
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Travnik, Šumeće 182a
«Elektrodistribucija», Zenica, Safvet bega Bašagića 6

U ime ovlaštenog dioničara, Federacije BiH, za člana Nadzornog odbora Društva ispred državnog kapitala je predložen Zlatko Terzić na period do isteka mandata članova Nadzornog odbora koji su imenovani na period od četiri godine počev od 27.08.2024. godine.

Članom 247. stav 6. Zakona o privrednim društvima je propisano da „*ukoliko predsjednik ili član nadzornog odbora u toku trajanja mandata bude razriješen, a kada se ne razrješava cijeli nadzorni odbor članu koji je imenovan umjesto razriješenog mandat traje do isteka mandata članova nadzornog odbora koji su imenovani prilikom imenovanja cijelog nadzornog odbora, a nisu razriješeni*“.

Obzirom da je mandat aktuelnom sazivu Nadzornog odbora Društva započeo 23.08.2023. godine, te da se ne razrješava, odnosno ne imenuje cijeli Nadzorni odbor, Nadzorni odbor Društva je na 73. (vanrednoj) sjednici, održanoj 11.08.2025. godine utvrdio novi prijedlog Odluke o izboru i imenovanju člana Nadzornog odbora JP Elektroprivreda BiH d.d. – Sarajevo ispred državnog kapitala, dopunjen u skladu sa Prijedlogom ovlaštenog dioničara za člana Nadzornog odbora ispred državnog kapitala broj: 03-02-867-2 /2025 od 08.08.2025. godine i Odlukom o davanju prethodne saglasnosti Skupštini privrednog društva JP Elektroprivreda BiH d.d. – Sarajevo za imenovanje člana Nadzornog odbora Privrednog društva JP Elektroprivreda BiH d.d. – Sarajevo, ispred državnog kapitala V. broj:1310/2025 od 07.08.2025. godine, kojim je, u skladu sa članom 247. stav 6. Zakona o privrednim društvima, predložen izbor i imenovanje člana Nadzornog odbora ispred državnog kapitala na period do isteka četverogodišnjeg mandata aktuelnog saziva Nadzornog odbora koji je započeo 23.08.2023. godine koji se upućuje Skupštini Društva na odlučivanje.

Obavještenje o prijedlogu kandidata za člana Nadzornog odbora JP Elektroprivreda BiH d.d. – Sarajevo ispred državnog kapitala, je dana 13.08.2025. godine objavljeno u dnevnim novinama u kojim je objavljeno Obavještenje o sazivanju Osamdeset i devete (vanredne) Skupštine Društva i na web stranici Društva (www.epbih.ba).


Predsjednik
Nadzornog odbora
Vedran Kaser



44 100 22430072
44 764 22430072
44 126 22430072

Vilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo
Porezni broj: 4200225150005, PDV broj: 200225150005
1549212003366506 - Intesa Sanpaolo Banka d.d. BiH
1410010009748956 - Bosnia Bank International d.d. Sarajevo
102050000090111 - Union Banka d.d. Sarajevo
1346101000178654 - ASA Banka d.d. Sarajevo
1990490176075902 - Sparkasse Bank d.d. BiH
www.epbih.ba

Podružnice Društva:

Hidroelektrane na Neretvi, Jablanica, J. Černija 1
Termoelektrana «Kakanj», Kakanj, Termoelektrana broj 1
Termoelektrana «Tuzla», Tuzla, 21. aprila 4
«Elektrodistribucija», Bihać, Bosanska 25
«Elektrodistribucija», Mostar, Adema Buća 34
«Elektrodistribucija», Sarajevo, Zmaja od Bosne 49
«Elektrodistribucija», Tuzla, Rudarska 38
«Elektrodistribucija», Travnik, Šumeće 182a
«Elektrodistribucija», Zenica, Safvet bega Bašagića 6



Na osnovu člana 234. tačka k. Zakona o privrednim društvima („Službene novine Federacije BiH“, broj: 81/15 i 75/21) i člana 62. tačka 19. Statuta Javnog preduzeća Elektroprivreda Bosne i Hercegovine d.d. - Sarajevo (prečišćeni tekst) broj: NO-2190/21-41/2. od 25.01.2021. godine i Statuta o dopuni Statuta Javnog preduzeća Elektroprivreda BiH d.d. – Sarajevo, broj: SD-20745/21-70./6. od 30.07.2021. godine, Osamdeset i deveta (vanredna) Skupština Javnog preduzeća Elektroprivreda Bosne i Hercegovine d.d. - Sarajevo, održana _____.2025. godine, d o n o s i

ODLUKU
o izboru i imenovanju člana Nadzornog odbora
Javnog preduzeća Elektroprivreda Bosne i Hercegovine d.d. – Sarajevo
ispred državnog kapitala

Član 1.

Za člana Nadzornog odbora Javnog preduzeća Elektroprivreda Bosne i Hercegovine d.d. – Sarajevo ispred državnog kapitala imenuje se Zlatko Terzić.

Član 2.

Imenovanje člana Nadzornog odbora ispred državnog kapitala se vrši počev od 16.08.2025. godine na period do isteka četverogodišnjeg mandata aktuelnog saziva Nadzornog odbora koji je započeo 23.08.2023. godine.

Član 3.

Ovlašćuje se Generalni direktor da, u ime Javnog preduzeća Elektroprivreda BiH d.d.- Sarajevo, potpiše ugovor sa izabranim članom Nadzornog odbora Javnog preduzeća Elektroprivreda BiH d.d.- Sarajevo, u skladu sa zakonom i Odlukom Skupštine Društva o utvrđivanju polaznih osnova za zaključivanje ugovora sa članovima Nadzornog odbora JP Elektroprivreda BiH d.d. – Sarajevo, broj SD-12-9330-5./09 od 12.05.2009. godine.

Član 4.

Ova Odluka stupa na snagu danom donošenja i objavit će se na oglasnoj tabli Javnog preduzeća Elektroprivreda BiH d.d. - Sarajevo.

Broj: SD – ____ /
Sarajevo, _____ godine

Predsjednik
Skupštine Društva